


應龍詩舛


✕  
● 32



應龍詩冊



法醫博士 天佐 攝井 大仰 高贈



富士川文庫

500

490.289

Y0-1

N

3244

112 0 32




七秩躋來又添七。皇恩祖澤喜雙全。  
琴棋好伴閑猿鶴。贏得漫吟詩一篇。

七秩躋來又添七。皇恩祖澤喜雙全。  
琴棋好伴閑猿鶴。贏得漫吟詩一篇。

七秩壽志

應和先生



七秩躋來又添七。皇恩祖澤喜雙全。  
琴棋好伴閑猿鶴。贏得漫吟詩一篇。

題應龍集

石楠老人

應龍居士筆麟淵  
開集就教吾題  
卷端文心神  
明誰測得是麟  
片甲霧中看  
手談相對好怡顏  
坐隱居中日月閑  
高下寧須論段位  
有時奇勝破天慳

題應龍集

石楠老人

(國分青厓)

應龍居士筆麟淵  
集就教吾題卷端  
變化神明誰測得  
雙鱗片甲霧中看  
手談相對好怡顏  
坐隱居中日月閑  
高下寧須論段位  
有時奇勝破天慳

同

春水釣徒

棋詩遣興與兩閑人  
爾汝相呼來往頻  
笑倒一篇酬和集  
枉言元白是同倫  
日夕相逢坐隱居  
偶然吟出一篇書  
豈論詩句工兼拙  
水到渠成笑謔餘

同

春水釣徒

(村松春水)

棋詩遣興與兩閑人  
爾汝相呼來往頻  
笑倒一篇酬和集  
枉言元白是同倫  
日夕相逢坐隱居  
偶然吟出一篇書  
豈論詩句工兼拙  
水到渠成笑謔餘

餘生寄傲草廬間。唯許岫雲相往還。  
 却笑風塵緣未了。撐胸磊塊屹如山。  
 乙亥春日錄舊作 古稀加一叟應龍

餘生寄傲草廬間。唯許岫雲相往還。  
 却笑風塵緣未了。撐胸磊塊屹如山。

乙亥春日錄舊作

古稀加一叟應龍

序 詩賦徒事藻飾而侈于實者。雖麗非經。是左思之所以  
 自賦三都。駕司馬班張。翰墨標孤高而無涉于世者。雖  
 寶非用。是鄭燮之所以目摩詰子昂。爲一介畫師也。可  
 知人繫志家國。抒雅四方。加之有事功之較著。然後詩  
 賦始可傳。翰墨亦足以重矣。東都人橫井君應龍。夙以  
 醫奉職海軍。參征清征露二役。因功陞叙軍醫大監。所  
 著有快彈餘響艦中笑府二書。退官後。創設南洋興業  
 會社。以培植國富。爲人忠直磊落。嗜於詩。適於書。才氣  
 所飈發。如風檣陣馬。其遊支那也。與姚文藻胡鐵梅等。

相得歡洽。戲以左手書。妙伎傾闔席。又善圍棋。與國分青厓村松春水。結橘中盟。風塵之外。優游自適。其樂果如何哉。明年七十七。將刊其詩貽子孫。所收率五百首。或記遊敘事。或贈答感慨。無一忍澗筆。無一絳繒音。扶質立幹。專宗平徹。時或頓挫。力能揮霍。非原本性情之正。安得至此。聞之君詩。漱森川竹蹊。結城蓄堂之芳潤。早遊寥廓外。書透長屋海田日。下部鳴鶴之門關。優入三昧境。老杜句詩成珠玉。在揮毫者。正君之謂也。予曩寓鵬臺。與君居相近。訂交論雅。爲作其望野莊記。事在十餘年前。今君移駒籠。予遯玉川。雖隔南北數里。而來

往如舊。友情逾密。冕首之請。豈得以謗陋辭乎。姑述藝事所以關人品者贈之。其詩固非待予序而傳者也。  
昭和十五年八月荒浪坦歸愚撰

此處為另一頁的正文，文字極其模糊，難以辨認。

緒言

一余自幼嗜詩文。舊稿錄存筐底者。題曰望野樓集。今一切刪除焉。要以巴調不足傳也。

一往歲縱遊禹域之際。與彼國人士。唱酬所得之作。凡數十首。錄曰長江餘滴。歸朝後。貸與詞友。終散迭焉。

一憾不得收之於此。

一赤城小稿廿二首。水龍唱和六十首共收在卷中。

一葛良修君。我海軍機關科將校之偉材也。曾駐在歐米。研鑽其技。桂冠後。創設葛研究所於東中野華洲園為其所長。又開始葛製作所於吉祥寺三鷹村。為





壘中聞訃黯然賦之。  
西征從旅徐家營。忽得訃音悲且驚。後我而生先我死。  
可堪原上鵲鴿情。

乙未三月下澣泊那霸二首

回頭于役遍他鄉。戰捷歸來天一方。明月泊舟那霸港。  
濤聲萬里客魂長。

峰巒起伏擁清灣。懷古蒼茫積水間。鑿石穿楊人不見。  
英風久仰鎮南蠻。

首里途上

望中景色入閒吟。白水青山萬古心。滿眼春光首里路。

松風謾謾拂衣襟。

丙申春過大王崎泊尾鷲。此日風浪大作

大王風起勢何豪。鷲尾拂波奔怒濤。我是江湖漂蕩客。  
險途如此笑揮毫。

劉公嶋弔丁提督

劉公嶋上夕陽紅。猶記樓船戰海東。勝敗無常憐俠骨。  
興亡有數泣英雄。雲迷殘壘烏啼月。秋老頽墻馬伏風。  
來弔孤魂荒艸冷。傷心渾在不言中。

讀應龍先生詩。輒題長律。以弔丁提督。

劍氣純青燭影紅。對君我正憶遼東。秋高玉壘沈殘

月。血濺金戈泣冷風。詩酒暗憐才士盡。江山祇覺烈  
魂雄。濡毫不敢重題句。無限傷心在眼中。

此拙者二十四年前。和劉公嶋弔丁提督詩一章。原唱爲

應龍先生傑製也。能使地下英魂毅魄起而再拜。時先生駕軍艦

大嶋。來滬江相晤席間出詩索和。因走筆與之。余參贊丁幕有年。

愴懷特甚。久乃不能記臆。先生忽錄拙稿。屬我同志老友佃信夫

君。郵乞重書此詩。眷懷風義非尋常所可語者也。感念何已。

宣統九年戊午花朝藏園退叟姚文藻拜手

次鋤月平原詞兄韵懷丁提軍

燕京落日照孤城。白騎紛紛倒戟迎。鴨綠江西無隻影

獨餘丁帥烈魂雄。

寄井上寒泉詞宗次其瑤韵

明治二十九年九月二日  
於劉公島

偶爾相逢如舊識。披襟共醉酒家樓。笑人處世忙如蟻。

歎我營巢拙似鳩。弦月低邊帆影小。微風動處櫓聲幽。

秋闌威海衛頭夕。戴夢搖搖一片舟。

丙申既望登臨劉公嶋頂有作

澎氣微茫現大觀。呼朋挈榼陟峰巒。雖無脆竹繁絃樂。

也有騷人逸士歎。秋色引情雲翳散。青山蘸影酒杯寬。

滿天風露征衣薄。羌笛聲々海月寒。

丁酉晚春發申江向古鄂

遼州已去又揚州。萬里烟波賦遠遊。欲弔英魂過古府。  
 空懷遺業付蒼邱。長江天塹深如許。楚水吳山勝可搜。  
 浩嘯樓船頻決背。飄然一劍儘風流。  
 敬和發申江七律一章恭呈橫井先生哂政  
 天外奇峰海外洲。雄心歷々快長遊。籠儲靈藥懸雙  
 肘。袖有新詩記九邱。季札交隣多結友。張騫回國定  
 封侯。相知何必曾相識。奏罷山高奏水流。  
 長江途上  
 辭去申江西過漢。滔天濁浪不看津。中原今日春無色。

一望乾坤萬古塵。

小姑山

山色水光奇奈何。樓船載我畫中過。大江南北景奇絕。  
 看到小姑奇更多。

南京即事

金陵城外草菁菁。幾喚春秋夢裏情。征客時來尋古廟。  
 廟前石像立無聲。

遊黃鶴樓次官誨之先生韻

森森長江水。勝遊何處求。來登黃鶴址。遙望白鷗洲。吟  
 賞半旬樂。興懷萬古流。愛吾官誨子。握手醉高樓。

原韵

聞道神仙藥。秦皇古所求。偶然逢海客。相與說瀛洲。  
願訪廬生術。寧讓安期流。黃鶴今已矣。惆悵此登樓。  
遊月湖。次官誨之先生韵

托跡漢陽雲水洲。蒼蒼天地入新秋。好隨仙客噲霞氣。  
愛共知音賦勝游。琴榭已聽天上曲。月湖堪洗世間愁。  
云歸回首感多少。大別山邊一棹舟。

原韵

西上荆江剛匝月。東來漢水又新秋。愧無勝境邀佳  
賞。定有宏篇紀壯游。杯茗縱談相見樂。烟波翻動別

離愁。只憐萬縷長堤柳。不為青々繫客愁。

贈官誨之先生叙別

交游海外古來少。我唱他酬樂也多。一帶大江東去水。  
何堪明日賦驪歌。

沙市中秋

半生每作遠方游。極目烟波動客愁。昨北今南無定處。  
荊州城外此中秋。

送穆堂

不二樹東歸 君獲病從漢口歸東

浮槎今日向東去。惜別慇懃意轉濃。綠樹壓軒涼味永。  
白雲礙眼雁程封。風光佳處宜醫病。靈藥多邊好托蹤。

期待他時重把手。浩歌拔劍斫蒼龍。

丁酉十月七日登浙江省金鷄山

山上有望樓址昔為倭寇設之。實為全浙之關門。  
時鶴唳。憂然空際。

金鷄山上斷雲橫。萬仞懸崖如削成。放眼滄溟來爽氣。  
植筇鳥道倚秋晴。荒臺空憶嚴烽舉。殘壘猶傳怒浪聲。  
千古英雄呼不起。過江飛鶴憂長鳴。

三門灣偶成

丁酉十月九日天柱峰高聳

天柱峰頭斜照開。三門岬外望雄哉。晚雲如墨欲成雨。  
颯颯涼風掠水來。

丁酉十月十四日泊福建省南關

山上有明遺址登臨焉

南關形勢碧嶙峋。渺渺雲濤是要津。昔聽青山為鎮戍。  
今看古壘委荆榛。朝廷皆醉偷安士。韜略獨醒紆策人。  
矚目蕭然多感慨。秋風吹度大江濱。  
遊姑蘇寒山寺  
吳江江上雨蕭々。冷臥蓬窓夜景饒。水閣兩行燈數點。  
櫓枝搖夢過楓橋。

題天封塔古瓦

三沼大主計所藏君與余同上天封塔

甯波名蹟天封塔。塔勢千尋高拔天。當時携來此半塊。  
剛堅如鐵墨可研。嗚呼從天監到光緒。無限變遷無限

緣。好古欣君同我癖。箇中斷瓦記斯年。

暮雨朝雲着意誰。蘭湯浴罷倚欄時。歌喉一串聲妖婉。唱出崎陽新竹枝。

寄穆堂在崎陽

巧笑倩兮眉目盼。美人小影感頻催。寶亭立處春風悄。圓嶺聳邊紅雨來。枝上流鶯聲婉轉。烟中淡月影徘徊。相思寫出珊瑚筆。夢繞崎陽好水隈。雲山何處路三千。影事前塵愁易牽。猶記大津歌舞宴。

代人寄

又思田戶綺羅烟。秋風吹夢孤衾冷。寒月入窓香枕憐。未識逢郎定何日。無端燈畔卜金錢。

遊長府松崎磯

磯有千珠滿珠兩嶼

兩珠當面競嬋娟。是處江山人欲仙。松籟潮聲如鼓樂。夕陽遙送釣魚船。

對宕書樓口占

樓在佐世保谷鄉余居焉

客中寄跡塵寰外。谷裡鶯聲和夢聽。拔地宕峰煙髻翠。點波丸瀨練光青。雪晴林壑新開畫。日暖香風靜拂扃。滿眼乾坤詩料足。危樓遙對夕陽汀。寄田中啓太郎君在臺灣林圯埔

蒙孫嶽嶽聳千秋。意氣知君無匹儔。慨慷談兵傾熱淚。  
昂然彈鋏說離愁。填膺磊塊澆醇酒。倚馬功勳贊帝猷。  
目斷天涯何處是。亂雲荒月絕南洲。

米浦偶成

在橫須賀米濱

截海壁高松翠清。濤聲相和管絃聲。玉人留住春人醉。  
米浦樓頭酒百觥。

庚子夏遼東有風魚警。奉命搭龍田艦向太沽。賦

七律一。章留別京友。

佛峽臺邊水透迢。天涯誰共枕金戈。潮高遼海魚龍躍。  
風勁韓山劍佩摩。滿眼雲煙如此急。十年潦倒奈吾何。

征衫今夜乘船去。踏破鵬程萬里波。

森川竹溪先生曰、豪氣騰發、逸情雲上、箇中無限感慨、解心人不易得之、兩聯筆意、似天馬之騰、蹈而不可羈、宛然船山集中之物也、

宮地途上

水村山驛幾淹留。到處檢丁猶未休。行過阿蘇峰下路。  
滿天風雪入豐州。

下球磨川

一葉扁舟駛於矢。青峰亂石迫吟邊。四十八灘奇絕景。  
隨流千里下球川。

筑州途上

古渡待舟舟未來。夕陽思句獨徘徊。垂楊垂柳江村畔。

一擲羈愁不肯回。

渡筑後川

金屏山峙似長城。筑後川奔向碧瀛。苦節當年功未遂。秋風空駐鼓鼙聲。

唐津卽事

揚柳依依拂醉顏。唐津風色似仙寰。多情最是望夫石。烟雨空濛新綠山。

肥後客中

官遊三閱月。東去又西留。勝景水前寺。古墟都府樓。囊中無秀句。榻畔有閒愁。聊酌一壺酒。陶然夢故邱。

明治辛丑九月八日。先考易簣。余時在佐世保。

得訃急遽入京。卽賦志感。

昨夜小窓殘燭時。夢中髣髴拜高姿。訃音忽到就歸路。千里颼輪猶訝遲。

宿昔奉公期寸功。猶思侍側慰家翁。生前難供一杯水。急遽歸來人已空。

尺書前日寄相思。寧識家翁遺世辭。展讀如今腸寸斷。捧持拭淚轉傷悲。

泊三角聽潮閣

仙峰咫尺隔塵寰。水碧沙明三角灣。待得帆檣林立日。



再游應對好孱顏。

錦帶橋口占

碧水溶溶畫閣連。酒旗搖曳柳條妍。樊川詩句添奇景。

詣鵝戶神宮

日南到處氣融融。簡朴還看太古風。聞說天孫攸窟宅。

洞前跪拜鵝門宮。

畫裡惹思經幾年。臥牛山色此窓前。五稜舊廊誰回首。

微雨蕭々將暮天。

訪須賀川齊藤好道

相携飲於虎樓侍席者曰  
阿金即以金爲韻

兮手廿年寒暑侵。此間人海奈浮沈。我儔別有清緣在。

囊裡無金韻得金。

寄齋藤好道次韻

虎樓分袂已三秋。官暇重臨賀水流。好有清緣牽不斷。

詩徵酒逐舊時遊。

和韻寄藤好道。時余在根室。

故人曾約豈空捐。自笑半生爲客仙。萍迹去年西海遍。

北溟盡處又維船。

甲辰二月初六。佐世保登艦。向征途。

向後岬邊明月生。天開佳景壯斯行。鯨濤萬里寧辭嶮。好捧赤誠從遠征。

次好道詞宗見贈韵。却寄。

寄來天外此鴻音。使我無端感奮深。烏拉峰頭立銅柱。言言句句故人心。

二月九日。我艦大舉攻旅順。

風拂旌旗颯怒號。硝煙黯澹礮聲高。憐他敵艦多摧破。黃渡蹴天千丈濤。

其二

聖明在上豈忘忠。萬里衝濤氣若虹。礮彈倏飛挫遠塞。旌旗高颺捲長風。鱉艦十五威何烈。將卒九千豪更雄。愧我無才報涓滴。舷頭按劍睨蛟宮。

望大和尚山

長鯨蹴浪旅連間。潮迸戎衣點作斑。回首十年多感慨。重看和尚舊知山。

二月十三日拜誦 宣戰詔於八口浦

天皇宣戰。響動風雲。三軍踊躍。誓思建勳。

二月二十日我艦城戶盛田機關兵。選駕報國丸。參旅順閉塞壯舉。慨然有作。

鴻毛身命輕。報國致忠誠。偉矣盛城子。長傳竹帛名。

三月五日攻浦鹽

絕海奔濤冰結來。烏蘇灣外望雄哉。小詩難寫斯中景。

萬岳千峰白雪皚。

四月念三日自大孤山向海州。海氣冥濛。

微茫何處辨西東。唯有怒濤高蹴空。青黛已消無鳴影。

樓船如葉水雲中。

其二

司令官出羽中將在我艦結句故及

眸中不見海洋鳴。漠々水雲深似山。長缺此時何用彈。

將軍無事鬢毛斑。

五月三日。安留機關兵曹從指揮官犬塚大尉駕

愛國丸。杜塞旅順口。壯烈使人敬仰。今也則亡矣。

黯然賦五絕一章

愛國至誠情。發爲此壯行。偉哉安留子。千載死猶生。

泊鹽大灣

小船兼巨舶。林立幾千檣。皎皎灣頭月。照遍大東洋。

酣適

酣適興尤多。舉杯樂奈何。浩歌永今夕。得失附煙波。

九月十六日歸佐世保。時菊花盛開。

長征破敵始歸時。好對此花傾此卮。遙憶故園千里外。

秋風秋色滿東籬。

竹敷途上

野水潺湲一碧通。奇巖怪石訝神工。竹敷溪畔楓林晚。人在倪黃畫幅中。

小帶歲除陪爪生提督。登對州鄉崎嶇。

雄劍攀雲遠侍公。韓山一髮落眸中。天涯不管年云暮。長嘯滄溟萬里風。

乙巳二月十三日登冲嶋。次乃木將軍爾靈山瑤

韵述感

海風驅我此登攀。氣象萬千長濟艱。决皆高臺立斜日。

煙雲輕抹九州山。

二月念七日我艦爲南遣支隊。將發佐世保向南

洋。有二絕。

戰捷歸來西海頭。誠忠壯士氣吞牛。未知廟算存何處。又上南溟萬里舟。

黑煙堆裏發灣頭。劍氣蒼茫凌斗牛。願使此行遭敵艦。

挽先應碎葉如舟。

泊澎湖嶋

樓船近接澎湖嶋。一帶平岡指顧中。無限風光詩未盡。

馬公遠望現龍宮。

寄周防梅屋林先生時余在澎湖。

交游何日共浮觴。况又風流翰墨場。周海茫茫千百里。相思人在水雲鄉。

三月六日南洋洋上作 余去歲斯日屬上村提督攻擊浦塩

萬里艤艦號令嚴。何辭厲氣煥炎添。却思去歲今朝事。白雪堆中入浦塩。

安南灣上

九萬鵬程身未閑。又將上命向羗蠻。安南灣外海南嶋。渾在水煙搖曳間。

三月念一日過婆羅冲

滿天月色露華清。今夜舷頭不耐情。一片丹誠唯報國。長風萬里度南瀛。

四月念八日泊尾崎灣

從軍萬里鬢將斑。身慣波濤洶湧間。回憶故山風景好。杜鵑臺上杜鵑殷。

日本海海戰。即賦以呈東鄉司令長官

絕海將軍絕世雄。蠻船一掃氣凌空。回頭萬里波濤靜。明月皓然生自東。

簡虛舟先生曰砲烟彈雨之中悠悠賦詩如此可以見英雄有閑日月也敬服易已

丙午春月瀨探梅

梅花春在古溪頭。崕拄柴門松擁樓。度水暗香吹不已。

飽看林下月明浮。  
題葉石畫赤壁圖

孤鶴橫江鳴戛然。蘭橈桂楫挾飛仙。曠世文章蘇子在。風清月白一千年。

次竹蹊森川先生見贈韵。二絕敬呈

一池湛碧夕陽流。郊樹野花含露幽。涼透燈痕苔逕靜。蟬聲如雨入新秋。

風度園林翠欲流。蕉天苔地趣殊幽。睡餘自覺吟懷爽。鳳影婆婆小院秋。

庚戌五月十八日。弟時臣逝於濱寺。悵然賦之以

弔。

一面緣慳鎖夜臺。臨終消息聽還哀。悄然顧影強擡首。幾問阿兄來不來。

故園口占

辛亥之冬。余待命歸望野莊。日夕逍遙園中。述懷

主人在外幾經秋。贏得北山猿鶴愁。喜我如今領閑福。歸來朝暮好成儔。

壬子新年

高臥朝來門掩關。紅塵以外小仙寰。東風一陣春光動。望野樓頭望野閑。

次中洲三嶋先生壬子元旦韵。

熙朝耆宿耀精華。教孝諭忠何肯加。標格最欽梅以上。  
翻將老境比梅花。

早春散策  
東風二月扇微和。何處梅花香最多。欲就旗亭沽一醉。  
隔籬先聽早鶯歌。

望野莊即事  
柴門雖設亦常關。日永於年靜似山。花影一林春漸暖。  
近人禽鳥哢聲閒。

寄其甥兄在尼崎  
離愁容易幾春風。憶到當時感豈窮。記否湘南秋雨夜。

窓前剪燭話英雄。

待花

料峭餘寒尙勒花。其如春事滿城賒。何當趁蝶追蜂去。

江上櫻雲湖上霞。

春雨訪友

訪友湖村一徑斜。春風吹雨濺梅花。暗香匝地清如水。

疑是孤山處士家。

壬子三月十日遊水府好文亭。

中尾賢兄同游

領來勝景據高岡。水影雲光別一鄉。深感優游賢哲跡。

萬株依舊玉梅香。

全詣東湖先生墓

闔藩濟濟稱多士。河嶽於今鐘秀靈。落日郊墟春寂莫。梅花猶護古墳馨。

四月十有四日小金井觀花

聞說城西春色深。出門早已動詩心。朝霞一簇望中白。恍看清流花影臨。

杖屐來觀金井櫻。彩雲深處一橋橫。微風忽攪飛花去。春水浮香入帝城。一隄花映夕陽紅。國分寺跡知何處。恍聽鐘聲度野叢。

對牡丹花有感。家翁培養牡丹花。

避風壇上鬪嬋娟。一種天香國色鮮。培護家翁今不在。追思往事淚潸然。

鵲臺觀杜鵑花

等閒二十四番風。李杏桃梨春色空。綠樹滿村人不到。杜鵑花上夕陽紅。

次稼堂植田老兄見贈韻。却贈。

避秦獨自養天真。堪羨桃花源裏身。知有雲中鷄犬伴。仙鄉終古別存春。

次紀山仁兄席上詩韻



臨池日與世相忘。自笑窺門未上堂。一榻清風君正到。  
歡情偏比舊知長。

夏日偶成

繞屋梧桐午景長。清風吹動硯池香。有人來過頻舒紙。  
爲寫靈樞字幾行。

秋詞

窳地疏簾一桁長。幽牕細雨晚淒涼。無端解釋西風恨。  
腸斷階前秋海棠。

壬子九月十七日竹溪先生見訪。次其席上詩韵

郢政。

擔端鐵馬響丁東。苔氣上簾涼意通。座有佳賓天色暗。  
談詩溯古破洪濛。  
秋滿牽羅茅屋東。剩看野趣此中通。夜來却喜蕭蕭雨。  
一霎破除烟霧濛。

起早園賞菊

深良。淡少。將培養最妙。

蘆簾圍繞護嚴霜。培養猶人妙有方。料識將軍顏始解。  
金英玉蕊迸秋香。

壬子歲晚書懷

歲月何關烏兔飛。悠悠自適掩柴扉。人情翻手雲成雨。  
世事回頭是亦非。迂拙任他多噂沓。疎狂豈敢羨輕肥。

只須橫掃千軍去。筆陣堂堂任意揮。

癸丑二月我南洋興業社船。發橫濱向南洋。賦之以壯其行。二首

鵬翼搏長風。圖南萬里中。舵樓笑憑劍。意氣一何雄。豈忘桑弧志。須垂竹帛功。險艱非可厭。報國致微衷。山田長政膽如斗。錢屋五平才似泉。寶庫南溟從我拓。一帆蹴浪此樓船。

獨座虛窓吟骨寒。中庭低亞碧琅玕。東風莫謾融殘雪。怕作春泥雨後看。

食筍

龍孫破蘚挺園林。廚味殊添酒味深。可惜他時明月夕。讀書牕外少清陰。

詣川崎大師堂

金碧莊嚴香火稠。看他男女禱靈麻。臨池我願承遺訣。巨筆東瀛第一流。

題石原白道所寫薔薇花。

白道妙于丹青。曾竹越三又翁庭中畫薔薇花。蝴蝶翩々飛來。繞

幘上云。其精巧可以想見矣。而白道得意亦可知也。

薔薇遺墨最精哉。筆筆入神心眼開。想起當年揮灑處。

栩栩然蝴蝶繞花來。

松本紀山曰。蝴蝶飛來。點畫善。余亦親聽諸白道氏。蓋畫境佳話可以傳也。

自題薔薇花畫

石原白道

薔薇濃豔壓庭開。呵筆寫生清興催。一蝶無端繞花舞。待他爲我再三來。

輓古城橫井忠直先生

尺素當年寄所思。豈圖今日作遺詞。悄然讀罷草堂夜。落月屋梁腸斷時。

次田代兄豐吉郎韻以呈

圖南遂夙心。詩酒洗塵襟。俯仰乾坤大。舐毫兼撫琴。

丁巳春日携內訪熱海廣瀨勝比古將軍於海光

莊。共遊梅園欣賞多時。雲影溪聲髣髴夢裏。不勝

神往魂飛也。君有詩郵寄依奉和高韻郢政

謝君一往友情深。雲影溪聲夢裏尋。忽寄新詩妙于畫。

依稀泉石與梅林。

丁巳四月十五日同几會席上

屈指故人今幾何。相逢對酒且當歌。追懷三十年前事。霜鬢爭堪感慨多。

春江泛舟

春風移棹過江流。一脈清香襲小舟。碧水半汀櫻樹白。落花片片著漁鉤。

勅題朝晴雪恭賦

聖世何妨守我頑。雪深高臥掩柴關。曉來放霽春風度。  
望野樓頭意自閒。

戊午春日。飲神戶旗亭。次壁間所揭詩韵。侍宴助  
興者。曰絲曰淺曰文。

絲絲翠柳隔紅霞。來上春風賣酒家。淺酌談文真有味。  
當筵多少可憐花。

望海

夕照沈波月似弓。白鷗飛處泊孤篷。無端想到賴翁句。  
一髮青山水接空。

戊午八月念六賀猪間戶塚兩家結婚

煌煌銀燭燦華筵。一曲瑤池奏管絃。鳳枕鴛衾偕不老。  
蟠桃香熟玉屏邊。

已末中秋後三日。紀山兄見訪。聯句

箇中消息自風流。龍應楓影菊香與我幽。山紀月且詩書誰  
會得。龍應十年縞紵淡於秋。山紀

已末十月五日。玉川日勝庵茗集。得侵

一帶珠川秋色深。水光搖曳入楓林。樓臺有此題詩客。  
滿目烟雲足豁襟。

已末十月念三日庭中生靈芝。喜賦

黃花紅葉伴棲遲。落落長松雲氣滋。曉步中庭先刮目。  
清陰昨夜產靈芝。

次應龍醫監庭生芝韵。結城蓄堂

高臥東山未作遲。白雲滿地碧苔滋。階庭有似謝安  
石。一夜秋風生端芝。

次望野樓主人韵。簡野虛舟

衡門之下可棲遲。百丈長松碧蘚滋。莫是瑞圖象三  
德。庭階一夕產靈芝。

次應龍詞宗得瑞芝詩。黃冶祖

中庭散策步遲遲。曉月松間草露滋。有福何人多吉

兆。應龍道士得仙芝。

次橫井國手靈芝韵。澁谷泉齋

積善之家慶豈遲。眼看祥兆逐年滋。預知他日訪君  
處。松下應添幾瑞芝。

次應龍庭中生芝詩韵。池田三街

幽鳥呼人日自遲。深林春暖碧苔滋。徘徊鬱鬱長松  
下。欣看清陰生紫芝。

詠芝。次應龍韵。荒浪煙厓

蒼松蟠地化龍遲。空見春秋雨露滋。一夜階前雲氣  
動。紫莖含瑞茁仙芝。

次龍兄庭生芝詩韵

松本紀山

採藥雲深人返遲。瓊田久聽九華滋。欣君坐受無疆福。秋滿庭階秀紫芝。

已未十一月初一。上毛途上。口占

一徑秋風落日過。青松紅葉綴嵯峨。富源開拓知非遠。鐵脈縱橫遺利多。

送山田陸軍中將赴任肥前

春風躍馬舉長鞭。一路鎮西詩幾篇。特地按將腰上劍。浩歌笑對碧溟烟。

辛酉春賀梅屋林翁喜壽

桃李花開燦壽筵。共斟春酒祝延年。詩書爲伴雲霞侶。勞髯蓬山不老仙。

辛酉晚春好道詞宗過訪。圍碁快甚。此日余不利。

宛似庭前飛花撩亂之趣。詞宗有詩見寄。次韵以謝。

草堂春靜鬪某枰。著々任從輸與贏。笑見落花徐斂手。由來敗將不談兵。

原韵 齋藤好道

畫院春風且對枰。正奇運用有輸贏。時看庭外花撩亂。點綴青苔似配兵。

辛酉七月六日。招飲鶉山黃鐵蓄堂三先生於望野莊。席上賦似  
數間茅屋綠陰新。修竹喬松鬱作隣。對酒却羞無下物。  
展將翰墨待詞人。

聯句

草堂今日有佳賓。橫井應龍品畫評書杯酒親。杉田鶉山滿地苔陰天

欲雨。治祖黃鐵一燈光隔翠烟新。結城蓄堂壁上揭五岳山水圖贊。次其韻。

餘生寄傲草廬間。唯許岫雲相往還。却笑風塵緣未了。撐胸磊塊屹如山。

望野莊招飲次五岳韻

杉田鶉山

一門徑無塵苔石間。幽禽憂憂暮雲還。茂松瑞草仙家趣。不用棲遲住碧山。

同

黃治祖

滿壁圖書屋數間。華筵深夜不容還。庭前醉賞靈芝草。似在蓬萊第幾山。

同二首

結城蓄堂

茂林修竹市城間。坐見孤雲日夕還。但使形骸托詩酒。乾坤何處不青山。

珊瑚玳瑁一堂間。聞說南溟收拾還。剩有庭陰生瑞

草。何須辛苦築仙山。

同

三宅芳堂

遺世逍遙榭石間。唯看衆鳥倦飛還。城中有此林泉好。不做支公去買山。

辛酉歲晚

平生志業既多差。歲晏無詩答物華。堂有圖書樽有酒。不如揮筆走龍蛇。

壬戌初秋訪紀山兄於二見浦

一竿風月趣如何。時有鷗盟載酒過。不惹錦城歌吹夢。滄浪濯足醉吟多。

次紀山韵以呈

南槎庵在二見浦。紀山栖遲焉。余避暑於其水樓。日夕清趣至今不能忘也。

南槎庵在翠松中。涼透疎簾秋意通。一掃人間塵萬斛。穆如真箇似清風。

南槎庵即事二首

萬松影裏故人家。謾謾清風洒白沙。畫壁八仙呼欲出。釣詩漁酒是生涯。  
曾繫仙槎滄海濱。接遲卜得草庵新。休愁境僻無知己。綠水青山是故人。

上朝熊山

山上有十八亭十八州落眸中

金峰古刹磬聲聞。步步穿空鳥道分。十八亭臨洲十八。



半邊滄海半邊雲。

壬戌歲晚

拋他塵事付雲烟。談笑還消臘尾天。咫尺仙凡分動靜。  
瓶梅花下品新篇。

癸亥新年。枕上口占。

裏創未許老風塵。病後時時餘熱頻。枯槁形容須一笑。  
經過五十九回春。

次允亭韵却寄

藥烟裊裊暗愁加。偃臥連旬慵出家。聞說春風滿江郭。  
提壺何日共觀花。

次穉林韵却寄三首

君海軍洋畫之第一流

君憂風痺我瘡痍。朝暮慊慊懊惱多。翰墨有緣聊共慰。  
東臯春至可如何。

二豎侵君轉黯然。藥爐香冷也堪憐。交情我願清如許。  
欲擬梅花與水仙。

節入陽春風更寒。箇中消息付長歎。經旬偃臥憐同病。  
亦似間關行路難。

次紀山韵以呈

新綠扶疏已過春。茅堂此日迓佳賓。料應常與白鷗狎。  
本是烟波堆裏人。

謝三街兄見贈水仙

君七十八歲能屬文以種苗爲業

風姿綽約水中仙。好與梅花當競妍。金蕊冰葩清且潔。謝君高誼太綿綿。

次桂所韵却寄四首

百媚千嬌蹤已空。春窓無復夢魂通。病餘疎懶未斟酒。芳事吹過廿四風。

間中課業最宜晨。洒掃園庭時拾薪。綠樹繞軒風日穩。茶烟禪榻悟清真。

風流隨手作詩來。範水摸山雅趣催。頓使幽人忘世事。不妨追躡且銜杯。

國事由來向北憂。陰雲漠漠海悠悠。微軀曾駕風濤險。意氣猶能凌斗牛。

癸亥初夏紀山兄見訪聞南槎庵百絕成善賦

憶昨江樓對酌時。沙村幽興夢堪追。聞君一握如椽筆。賦得南槎百絕詩。

癸亥九月一日東都地大震隣人避難於我園庭者十三戶張幕露臥連夜皆謂宛如露店開

大震來兮小震來。瞬間倒壞幾樓臺。隣人叫喚逃身到。宛似中庭露店開。

甲子新年

草堂雌伏不乘船。一醉迎春唯懶眠。笑殺長刀猶挂壁。東風間却十餘年。

贈允亭次韻

吾病癒時春已回。幽鶯一轉報梅開。閒中也有餘愁在。其奈案頭書債堆。

次紀山兄癸亥除夜作。却贈

歲云暮矣夜難眠。夢落天涯何處邊。雌伏君今歎髀肉。圖南應上破濤船。

次鶉山翁見贈韻

君政界之領袖有鶉山詩鈔

抱病荏苒臥山莊。纔伴詩書送夕陽。庭樹新蟬嘶未歇。

紗燈一點夜生涼。

桃谷翁移居

姓勞多以書道有名

把翠喻霞庭砌間。新居真是小仙寰。自公退食宜揮筆。

雲護琴書鶴護關。

贈允亭翁次韻

養病烟霞甘隱淪。餘生始得自由身。且將文墨酬風月。不負昇平無事人。

題吞空山內翁遺愛幅並引

吞空山內翁、參河人、少壯立志。夙勤王事明治七年、徵為磐前縣權參事、歷任司法省、後隱棲於東京本

鄉。托餘生於風流以自樂焉。博物宏識、書畫琴棋、皆無不通而好器翫最愛瓢、瓢兮百千箇、累々盈室、或有如墓吞空者、或有如鯢張口者、如瘦鶴斂翼、如達磨入定、或立或橫、千態萬狀、皆出天造、翁居其間。顏室曰瓢禪、優遊自適、高風可欽也。大正甲子一月歿、壽八十八、翁男崑君與余來往、交情相篤、頃見贈一幅、曰乃父之遺品也、余已感翁之德、又懷君之誼。弗能諉也、此幅無款。不識何人所畫也、想非唐宮詞南園分得溫湯水、二月中旬已薦瓜者耶。

人謂大倉仇十洲。

乙丑新年

正逢六十一回春。猶喜赤心俱歲新。躍上龍門非我事。江湖只合養天真。

賀鶴步翁九十壽

鈴木善長

鶴髮烏巾笑望天。風丰髻髻地行仙。不知喫得胡麻飯。嬰鑠人間九十年。

乙丑一月盡日大雪紀山兄自勢南來訪分韻得真

六花滿地白於銀。春至山莊尙未春。一路尋詩何處好。

灞橋風雪騎驢人。

同夜雪齊月色如晝

一天雪霽月如銀。佳會今宵吟興新。何管春寒猶作劇。笑迎南勢大詩人。

送紀山兄遠遊分韻得陽

離愁須向酒中忘。今日相逢好對床。萬里滄溟鯨跋浪。羨君豪氣壓王郎。

乙丑二月初五。虛舟簡野先生過訪賦呈

佳賓此日到茅堂。翰墨有緣頻侑觴。大著洛陽高紙價。文名終與字源長。

此夜雨雪

蓋簪便覺百憂寬。只合今宵共盡歡。座上春風吹酒暖。不知飛雪外邊寒。

乙丑二月十二日與紀山別。賦呈。

相逢一笑喜無涯。詩酒風流暢藻懷。惆悵鵬臺君去後。吟花嘯月與誰偕。

送紀山再之南洋

片帆又向大洋洲。人爵於君輕似漚。十載南溟多啓發。曾長倒屣迓斯遊。

湘南途上

次紀山韵

輕車求句日將斜。一路春風漾落霞。行自湘南途上望。山村無處不梅花。

乙丑七月初八向十和田湖道中

余明治七年隨父在磐前

某水某邱詩思牽。颺輪忽到古磐前。無端想起垂髫日。一夢茫茫五十年。

笑駕輕車向十湖。溪山探勝路崎嶇。此遊何復論艱險。到處風光句作珠。

十灣湖色冠天下。水態峰容觀不窮。笑被山靈寒我膽。耻無佳句奪神工。

曾自桂翁稱十灣。江湖嘖々此仙寰。我來正遇驕陽節。身在水光縹緲間。

夕佳朝爽滌塵緣。如許江山人欲仙。右揖倉峰左鉛岳。二州勝景落闌前。

贈十和田世界公園館主小笠原氏

君名八十美今  
爲衆議院議員

樓臺枕水十灣濱。吞吐雲烟萬象新。誰命公園名世界。仙鄉開闢屬伊人。

睡雁石記

距今三十年、東都青山有雪窓翁、善繪事、博雅好事、絕愛奇石、物聚於所好、奇石累累滿於室中、有一石、狀似

小鴨斂嘴於翼間而酣睡、其色黝黑、其質堅緻、余一見垂涎不已、翁乃割愛所贈、名曰眠鴨石、日夕撫摩以自娛焉、乙丑夏日、偶訪大沼文哉君於鵲臺、君高雅之士與余同癖者也、談及翁之爲人、與眠鴨石、君笑曰其石不似雁乎、余曰狀已似鴨、則雖曰雁亦何不可、君曰我藏五岳上人雁石詩之條幅久矣、配其石、以此幅、不亦甚妙乎、乞爲贈、余深謝其厚意、袖而歸、挂幅於壁間、置石於案上、欣賞弗措焉、自今宜改眠鴨稱睡雁也、嗚呼雁石乎、沙邊冥冥斂翼而睡、宛如笑他故友之噉々翱翔乎霄間者、作睡雁石記。

題睡雁石

蘆花淺水夕陽微。風露溥溥秋滿衣。飽食洲邊收翼睡。笑他故友入雲飛。

乙丑九月十七日。行黃海々戰三十年記念祝典於水交社。不堪懷舊。率賦言志。

無復長鯨揚海波。匆匆回首卅年過。追懷將士半黃土。霜鬢爭堪憂慨多。

乙丑十一月六日舉蓄堂先生一周追薦之典於會開不忍池畔東仙閣。賦之代奠。超世風流湖海傳。入神詩筆比前賢。天妃祠畔招魂處。

仙去匆匆已一年。  
曾開翰墨瑞芝筵。才筆淋漓憶謫仙。遺恨音容今不見。  
淚痕空濕舊雲箋。

丙寅新年

一月二日始舉孫名太美子喜甚

初日瞳瞳照華門。靄然和氣覺春暄。新年第一快心事。  
芝瑞堂中學女孫。

次大拙鳴倉君。訪日興上人生地詩韵。  
東西飛錫遍靈蹤。隨喜群生仰法容。今日來尋獅吼地。  
龍吟空動拂雲松。

遊長興山

山在相州入生田村紹大寺趾。山中有臥牛石長丈許背刻鐵牛禪師贊

紹太寺荒何處尋。只看松柏聳雲岑。高僧遺躅無人問。  
空使臥牛苔色深。

題鷄肋帖

余幼時好畫當時之揮寫今尙藏家曰雞肋帖

由來神品奈難攀。稚氣猶存揮灑間。此帖休嘲鷄肋耳。  
少時漫擬著根山。

秋日偶成

一年容易夢中馳。志業蹉跎自笑癡。不識天公果何意。  
秋庭復不產靈芝。

輓大坪君

丁卯十一月八日行同窓大坪軍醫大佐昌次郎君葬儀於青山齊揚率賦以奠此日雨

冷雨蕭蕭不耐聞。空歌薤露淚紛紛。知音無奈頻凋落。



昨哭宮川今哭君。

丁卯十一月十七日紀山自勢南見訪

霜葉淺深秋色佳。偶逢詩友暢吟懷。利門名路且休說。野鶴閑雲是我儔。

戊辰新年 次紀山韵

六十四年春又回。銀葩粲々雪中開。寄來新句時長嘯。一片冰心清似梅。

次溪水金子子爵瑤韵 鮫洲詩林社詩會席上

海樓今日會佳賓。和氣洋洋滿座春。風雅交情如淡水。浮華世事似輕塵。

賀實吉安純子爵金婚式 第一首冠以子爵之姓名字。易林有天福吉祥永得安康之語詩中用之

實踐醫方妙入神。吉祥偏喜頌聲新。安康能養萬年壽。純篤忠誠天福人。動名顯達紫震宮。夔鑠八旬天福隆。聞說良醫是醫國。熙朝人瑞見斯翁。

次泉齋澁谷良平翁賜杯詩韵 三十三平 書劍挺身酬國恩。閒來煙月伴琴樽。老懷尙賸憂時淚。一片丹心護帝閭。

賀有終發刊十五周年二首 第一首 報國精神誰比肩。氣吞瀛海筆如椽。右文左武資治教。

木鐸振來十五年。縱橫健筆破群蒙。拮据多歲何須說。一片丹心期有終。

悼葛良修君夫人八重子

夫人巧於筆札手寫觀音經一卷

孤燈明滅照窓青。辛苦育兒遵過庭。三十三年真是夢。空留一卷觀音經。

賀橫井多一郎新娶

婦名稚子行政裁判所評定官野澤文彦長女備抗最篤

螢窓雪案十餘年。從是天綱攀有緣。銀燭華筵春正好。梅花黃鳥共驩然。

己巳四月十六日嫡男孫生喜賦

名正直

鷄晨忽聽嫡孫生。堪笑癡心鍾愛情。期汝他年髻鬢後。呱呱聲作讀書聲。

己巳十月十三日櫻會十周年會席上賦弔物故

志業同人之英靈代奠

櫻會訂交經十年。傷心曷忍說登仙。唯將隣笛追懷恨。付與博山一炷煙。

己巳十一月初二煙厓荒浪先生過訪

風月從來詩可尋。忙中久既廢清吟。今宵偶有脫塵趣。一醉陶然千古心。

己巳歲晚

三十六鱗方此身。江湖未必歎沈淪。嶮嶮晴潭安吾分。却笑龍門徒苦辛。

辛未歲朝

東風靄々入佳辰。世路任他心一新。德業未修才亦拙。六旬加七又迎春。

六十七回鳳曆新。閱來世路幾酸辛。蹉跎白髮君休笑。志業期成願壽春。

辛未六月初七。訪南槎兄於二見

辛未五月下旬。余隨伴西刀自入洛詣桃山御陵。遊奈良

驅車賽天理教本部。終至伊勢二見浦。

避塵千里訪兄來。沙白松青滄海開。久別相逢須盡醉。

都門明日又紅埃。

南槎漁長。放棘鬣魚於大槽中。以慰旅情。

青松碧海翠嵐饒。雲影濤聲客夢遙。漁長慰吾情太厚。

金鱗潑刺大槽跳。

南槎漁長。創建辨天祠於二見。今一色。遠近賽者

甚多。

海中涌出小蓬萊。天女祠前翠霧堆。爲有神威靈驗灼。

四方賽客進香來。

辛未七月二十日。天理教東本大教會神殿。土木

功竣。偶值前會長中川刀自十周忌辰。謹奠。

應龍詩  
大神殿聳墨江邊。化俗教風德若天。今日影堂修忌祭。  
供將清酌侍薦筵。十日天恩東本大。輝會輝煥土木  
四。壬申歲且來。嗶々鷄聲報曉新。春風一樣見天真。六旬有七又加一。  
賸得白髭兼赤貧。

移居  
城西移住已三年。秋雨春風情任天。莫問半生行路跡。  
是非過眼總雲烟。

名桂子說

昭和七年三月廿五日。孫女第二誕焉。喜甚。越七日乞

名乃翁。即曰。世以桂爲富貴福祥。宜以名也。夫桂樹貞木也。木之能貫四時鬱々蒼々者。惟松柏與桂爲然。雖然。世之舉後凋者。言松柏而不言桂。蓋桂常有松柏之德。而獨不誇其功者乎。今夫小而用之。則爲寶器藥物之料焉。大而用之。則爲舟楫棟梁之材焉。其用亦大矣。桂子當長而溫良貞淑。能孝于父母。友于兄弟。勤勉匪懈。養謙讓之德。益揚家聲。必有富貴福祥之應也。昭和壬申三月盡日。應龍識。

題曲溪南寮所寫花卉圖。醉墨會席上

木犀相倚傲霜枝。老少年姿艷且奇。追憶群賢當日事。

淋漓醉墨一揮時。

次允亭韵二首

馥郁梅花入屋茨。斯花心事有誰知。胸中磊塊堪消遣。

黃鳥啾々和小詩。

疎影橫斜淺水湄。寒香吹度鳥先知。竭來無句空拋筆。

忽被梅花促一詩。

賀津村重舍君再選貴族院議員

津翁天爵本無倫。村墅清閑座養神。重望復看班上院。

舍身報國是伊人。

問桃谷詞宗病。用香塢韵。

贈以躡蹻花

翰墨娛情百不悲。忘機樂道古稀時。喻霞同契風流客。

好對斯花且賦詩。

次桃谷見贈詩韵却寄

翁能書

休言病裏暗愁加。安命任天有寵嘉。豈止欣榮木如許。

一枝健筆也生花。

癸酉夏訪竹屋兄於犬山。次韵

白帝城高嵐影清。蓮峰蘇水畫難成。相逢瞥爾復相別。

無限風光無限情。

一笑飄然出帝都。香魚時節入仙區。竹翁忽有雲烟贈。

筆似龍蛇壓瑞圖。

癸酉八月十四日。挈內遊長良川。

挈內藍河棹桂舟。客中佳興足仙遊。多年酬得打魚約  
三十六灣烟水秋。

恍然興似老蘇遊。談笑銜杯儘唱酬。最是風光佳絕處。  
金華山月滿川秋。

癸酉八月念五日。陪大觀艦式。恭賦。

積水蒼茫連碧空。艨艟壓海武威雄。殷殷巨礮雷車轟。  
整整飛機雁陣通。天子賁臨親賜勅。全軍感激豈忘忠。  
也知盛觀魚龍躍。劉亮樂傳洪浪中。

癸酉九月八日。先考忠時翁卅三周忌辰。舉法宴

於雅叙園。恭賦言懷。

拈香稽顙父君碑。三十三年夢裏馳。無限平生風樹感。  
法輪寺畔立多時。

問矢野清史病

故人臥病奈離群。每對棊枰便憶君。節入新秋腸欲斷  
芸窓日暮獨觀雲。

贈池原東風

君日南先生男能篆刻以視蒐集有名六十年來之友

惠投詩句最清新。篆刻殊知技入神。堂構期君須自重。  
日南衣鉢見伊人。

贈三餘堂主人

主人號九亭爲人高古書畫爲業

應音詩  
托蹤市井興何如。誰道斯翁處世疏。書肆非唯爲營利。畢生真樂在三餘。

甲戌元旦古稀自嘲二首

七十年來何所爲。是非渾付一枰碁。閭中別有乾坤在。欲使龍蛇躍硯池。

七十年間笑我痴。青山相對獨支頤。硯田別闢閒天地。春蚓秋蛇意所之。

甲戌春相澤英翁見贈其著歌集一本松賦之道

謝。

歌篇彷彿故人逢。情味濃於酒味濃。勁節宏辭何卓爾。

匹如冬嶺秀孤松。

甲戌初夏訪槐陰河西將軍於落合。

剝啄到門嵐氣清。槐陰分榻話吟情。座間恍惚吾忘我。洗耳潺湲澗水聲。

甲戌六月初一迎廣瀨壽將軍凱旋

辭闕從戎朔漠間。長驅掃虜護邊關。欽君一劍忠誠志。叱咤風雲奏凱還。

訪煙厓先生卽賦

深沈庭院隔塵寰。一鳥不鳴幽似山。啜茗論文消半日。憑君領取此清閒。

甲戌夏。余移居于礫川。次允亭詞長見寄詩韵。

酬之。聞應龍先生移居喜賦。允亭志。

寄迹礫川仁作閩。詩龕茶鼎鬢絲疎。杜門近日慵牽杖。其奈衰翁疾未祛。

原韵。君住西郊吾市閩。路賒常憾造門疎。喜聞叔度新居

近。會晤從今鄙吝祛。

新居次允亭韵。不厭新居隣市閩。午聞禽語靜於山。拱圍楓樹壓檐立。

遮斷紅塵天地閒。

原韵 町 允亭

幽邃偏疑非市閩。綠陰重疊鬱于山。一牀清話一甌

茗。珍重浮生半日閒。

次三街詞宗見贈詩韵却贈

神恩最喜夏天長。一段誠心百慮忘。竹樹滿庭無六月。

芸窓日夕送清涼。

陪東鄉元帥國葬

柩車肅々向西行。儀衛森嚴感轉長。萬國使臣恭送葬。

勳名赫々大東鄉。

訪虛舟先生於閒雲莊



莊在鳳城南郭中。園芳競艷舞秋風。幽蹊閑步停筇處。開遍胡枝花幾叢。

甲戌中秋虛舟先生。開觀月宴於其莊。余以事不赴。燕詩以寄。

碧空無復密雲生。吟客同歡此夜明。定識南樓觀月宴。金聲敲句到深更。

告萬葉會成。賦贈露木女史。

活花有古流。風月儘優遊。萬葉剪裁巧。賞觀人滿樓。

次溪堂坂本先生七十七歲生日書懷韻。夙修兵學督樓船。許國葵心節愈堅。喜壽躋來猶矍鑠。

三朝耆宿一身全。

贈坂本俊篤將軍

句頭分用其姓名字

坂翁韜略妙通神。本是水師唯一人。俊傑持身懷似海。篤誠明允守天真。

甲戌八月盡。多一郎生男。名昭三喜而賦。隆一洸二皆康健。

閩家有瑞又生郎。教養三兒以義方。螢雪他年成業後。捧將心赤獻吾皇。

甲戌歲杪。銀座松本樓雅宴。丙子將軍演舞。衆嘆賞其妙。賦此以呈。

酒綠燈紅舊醉鄉。雪兒侑盞灑吟腸。清歌一曲將軍舞。  
嫋々餘音繞屋梁。甲戌歲杪寄允亭詞宗四首  
回首交遊二十年。風流拓趣亦因緣。高吟頻寄慰幽寂。  
一一知君筆似椽。炊經酌史幾年年。堂號三餘亦有緣。何日青山賦嘉遯。  
笑他俗士住華椽。托蹤塵壒幾經年。猶抱琴書了宿緣。觴詠羨君詞筆健。  
千軍一掃大如椽。營々報國亦多年。弩末已痿拋世緣。老養餘生何處好。

青山長臥屋三椽。

次允亭詞宗甲戌歲暮書懷韵二首

歲月崢嶸七十年。塌來忘得買山錢。任他役々營々事。  
寄傲南窓翠竹前。

擾々塵寰又一年。浮生何必卜金錢。杯中有此忘憂物。  
醉劈雲箋寒燭前。

次允亭翁除夜韵述懷

尚記曾遊笑拍肩。娥眉洗盞翠裙鮮。騷人無限傷心事。  
花月簾前度妙年。

其二

萍身無定蹤。世事攪心胸。景物還蕭瑟。遙傳除夜鐘。

宸題池邊鶴

霜翎洗刷立池邊。丹頂昂軀狀似仙。厭混常鱗凡鳥列。一聲清唳舞朝天。

乙亥元朝五疊韻

古稀加一入新年。堪喜神恩斷病緣。應制詩成頌清世。瑞烟爨爨繞茅椽。

次允翁乙亥新年韻以贈

間雲野鶴養其身。狀貌溫溫恰若春。肚裏貯存千百卷。風流書肆有伊人。

乙亥一月十二日次允翁韻

志在山林身市闈。喜君延我作佳賓。捐間潑眼蔣潭筆。竹石霜柯古節真。

悼桂所並木翁

文墨訂交二十年。憾佗舍我入重泉。因君初識離騷旨。欲賦招魂問九天。

伊人仙蛻奈愁何。曾共花前幾醉哦。六十八年瘞詩骨。

桂林秋影淚痕多。君嘗見贈其著桂林秋影。

送中尾賢臺芳之九州君播問。揚春飲公書。幾得浩然氣。福額。

巡視輜軒西海天。春風探遍幾山川。欽君善養浩然氣。

慙我蹉跎已老焉。

寄鶴田圭朔君在都城

偶然到手懇誠詞。回首茫茫憶壯時。應識相思千里夢。

連宵遠向海西馳。

乙亥三月十九日曉。聽鶯即事。

園林雨歇曉寒輕。露浥梅花香氣清。一枕膏騰猶在夢。

恍聽檐外早鶯聲。

輓正木義太將軍

句頭分用其姓名字君嘗率米山丸行旅順港閉塞有大功

正知蹇々致其躬。木訥能成杜塞功。義膽英魂長不朽。

太同忠節大楠公。

乙亥四月初九紀山兄自勢南入京

參商離索已三年。一笑相逢感慨牽。節序頻移人欲老。

圖南如夢又如烟。

兄嘗與余共經營南洋。兄駕小帆船航南洋結句即用兄句。感慨係焉

其二

駕得長風萬里楫。當年意氣斬龍蛇。把杯浩嘯君詩句。

赤道兩邊是我家。

兒武二久從少年保護。乙亥四月念二日。事達皇

太后陛下。叡聞。賜銀製文鎮壹對。恭賦紀恩。

多年微績達宮闈。兒也今朝拜特恩。永記洋洋仁澤渥。

燦焉文鎮照蓬軒。

送加藤清兄歸金城二首

清談歎晤酒杯間。占得浮生半日閑。九十春光看欲盡。  
滿襟離恨送君還。夙博金城感化勳。崢嶸意氣欲凌雲。育英留得少年範。  
一貫精神世遍聞。

矢野軍醫大佐清史君。退役後。勦赤十字社產院。  
拮据十三年。以致今日之隆昌。今茲乙亥五月。君  
齡躋古稀。乃告老。院酬以銀花瓶及銅壽老。卽賦  
道賀。

注傾餘力十三年。功就寵褒豈偶然。廣胖今躋齡七秩

應期壽老抵神仙。

乙亥四月念八。岱山中尾兄見訪。喜賦。

倒屣迎佳客。風流百慮遺。茶烟颺几案。花影映園籬。勿  
笑吾停酒。可欣君愛詩。相逢緩談處。留得舊鬚眉。

頌贈從五位黑澤加兵衛翁功績。賦寄其裔黑澤  
參峰。

憶昔蓼山探水源。通渠廿里闢荒原。祖先惠澤流無盡。  
雞犬聲中忽作村。

乙亥五月。成城學校舉創立五十年記念式典。先  
考正齊忠時君以功績著大。見祀於校內招魂社。

感激志喜。先考遠圖何得諉。此間辛苦向誰言。招魂今報生平志。始識餘光照華門。

全六月十六日。詣千人莊觀世音。即賦寄中南先

生二首

中南君創設觀世音於奧多摩信之厚矣

薰風偶訪千人莊。真個洗心修道場。偉矣主人經始意。寶幢揭得萬年光。觀音像在奧多摩。靈秘探來淨梵窩。百病可除埃可拂。法燈長照舊山河。

乙亥夏日中南兄招飲于射山溪河鹿園。即賦道

謝三首

脫却紅塵心自清。香魚上膳酒堪傾。淙々一水碧於玉。河鹿園中河鹿鳴。邦俗稱石鶴曰河鹿山傳澗響洗心清。風拂樹梢涼味生。崑角悠然求句處。溪流激石亂吟聲。

一日清遊探勝歸。澗雲潭影已斜暉。快車載得曹騰夢。

却向射山溪裡飛。

再詣千人莊。贈丹柳中南兄。

千人莊淨絕纖塵。柳叟丹心遍救人。剏建祠堂宣法力。香煙繞處梵音新。

千人莊矚目

三面峰巒紫翠幽。溪泉瀧々繞村流。桑麻鷄犬桃源似。  
盡日逍遙物外遊。

奧多摩途上

群峰潑翠合還開。水色雲光吟思催。行過多摩溪畔路。  
杼機鳴處是青梅。

乙亥八月十一日。允翁寄高作。雨窓無聊。次韵却  
寄。

秋風涼動爽吟衣。何日曳筇探翠微。辜負江山幽賞約。  
夢魂遙逐白雲飛。

千仞高岡未捲衣。慙吾才力趁年微。想君天步艱難日。  
感慨衝胸吟欲飛。

乙亥立秋卽事

蟬聲如雨噪殘陽。堪喜清風送晚涼。半畝盆池秋水白。  
滿身爽氣芰荷香。

綠樹重陰苔蘚蒼。老楓頑石野庭荒。蕭條霖雨何時霽。  
農事關心轉斷腸。

乙亥八月十八日。次允亭翁韵

獨坐繙書伴寂寥。窓前翠竹影蕭々。新篁解籜半旬後。  
直節挺然凌碧霄。

時事所感

憂世傷時淚未乾。卽今國步最艱難。神州別要屠龍手。欲掃撓槍幾浩嘆。

乙亥九月一日即事。次允亭韻

劫餘既閱十三年。追想當時轉慘然。十萬靈魂齊感受。滿都憑吊定通天。

對松本紀山謝恩碑有感 在二見浦今一色

千丈築堤功告竣。謝恩碑屹水之湄。須知德業化鄉黨。嘗是南溟開拓人。

乙亥十一月初六。送市川海軍主計中尉是清之

漢口

渭城一曲不堪聞。空有新愁別緒紛。行矣應揮腰下劍。掃來古鄂黯天雲。

乙亥十一月十六日。夜赴京都

颺輪輾轉發東關。郊送友情怡我顏。五十三亭夢中走。曉天潑眼舊都山。

東福寺即事 寺中有芭蕉古池碑

東福寺邊秋色深。千年寶塔聳禪林。掃苔蕉叟古池句。感發豈唯俳士心。

通天橋觀楓



聖一禪師跡。紅楓影映泉。開山堂閣在。仙境欲通天。  
通天橋上立。嵐色映青泉。溪楓留夕照。紅葉欲燃天。

題矢野清史兄胸像

既潤屋分還潤身。鑄銅胸像得其真。子孫應賦祖君德。  
頌此清姿逸格人。

乙亥臘尾示允翁次韵

蓬蒿深處克忘貧。閱盡人生幾屈伸。吾喜君身老逾健。

宸題鉅製頌新春

翁恭賦海上雲遠三首見贈

宸題海上雲遠

天空海潤瑞徵長。表得皇威覃萬方。嘯喻百川終古碧。

景雲涵影燦生光

寄熊井仁兄

君囑余以百術不如一誠之書結句故及。

夙以精勤博盛名。又於友誼見真情。商機要諦君知悉。  
百術何能如一清。

丙子一月念二。挈內赴大和。次韵以酬

允翁有逆別詩

神國中樞是帝畿。萬人齊仰表虔祈。我來稽顙洗心處。  
披瀝忠誠淚濕衣。

次以髯會四宮鳴洲翁韵

髯客盍簪斯盡歡。同調和氣自團團。慇懃為謝鳴翁意。  
永繼風騷共得安。

丙子一月念八日。自大和歸。曉對富嶽。

芙蓉嶽雪曉天開。雄大令人叫快哉。盤踞三州孰相競。崇高姿帶瑞霞來。

文莊石川先生見贈其著劫灰餘稿。賦此道謝。

劫灰詩卷燼餘成。珠玉應留身後名。病眼倩人猶著史。文莊未必讓丘明。

下村爲山先生見贈畫竹

畫仙恩贈一枝竹。獨立挺然凌碧空。潑墨妙推坡叟意。芸窓日夕起清風。

琅玕搖翠滌塵襟。仰見凌雲卓爾心。滿幅縱橫揮灑處。

雲烟縹緲作龍吟。

丙子三月十八日。久地村觀梅。

榜曰關東第一梅

偶爾携筇玉水涯。梅花冰雪競清姿。槎枒鐵幹如龍臥。關左狀元人孰疑。

節及梅花詩興催。何邊千樹倚崔嵬。輕衫手杖鳳山竹。欲問美人移屐來。

丙子四月五日。開以髯會於雅叙園。率賦二首

花將放處翠成堆。高閣凌雲氣快哉。髯侶相逢頌昭世。清風萬古豁胸來。

食膳尙嫌羹汁污。拜塵甘俗豈吾徒。滿堂皆是于思客。



曝書

灼爚秋陽宛如烘。好攤細帙曝涼風。笑儂老嬾廢披讀。  
徒使蝨魚棲此中。  
贈益田秋汀君  
雕刻凝神拋俗情。同人早已識名聲。縱雖餘技宜傳後。  
意匠刀痕兩巧精。

保多義正君創刊「食」號賦此賀  
句頭用其姓名字  
保有健康謀永存。多年研鑽溯淵源。義兼理得循天意。  
正識篇々是至言。

悼金城西師意兄

兄創立京都中學校經營三十年

京洛下帷三十年。一朝齋志入黃泉。老來寂是傷心事。  
欲賦招魂訴九天。  
阿兄仙去奈愁何。酌史炊經幾跌蹉。七十四年持介節。  
旗風天籟淚痕多。  
刊行平和旗風天籟之叫。其他著書等身。  
開鬢京洛育群賢。擬以斯文後世傳。今我贈言兄既逝。  
英雄回首即神仙。

次文莊石川翁丙子中秋作

中秋明月素難期。今夜清風積翠吹。天意似迎騷客意。  
嫦娥帶笑撥雲帷。  
金風忽起入簾涼。明月團々玉露香。天候恰逢今夜好。

滿盤芋栗賞清光。

寄吟月矢澤詞契

君善俳句軍醫官中渾雅之人

業餘韻事筆相隨。環境抒懷新且奇。吟月嘯花無限景。渾存十有七言辭。

題棊枰蓋

旗鼓相當幾戰爭。魚鱗鶴翼有輸贏。據鞍顧盼示餘勇。恍聽三軍叱咤聲。

寄多賀茂文君

君上京過訪句頭分用其姓名字

多歲參商感慨牽。賀君康健意陶然。茂松修竹秋深處。文字爲交了宿緣。

丙子十月二十一日 皇太后陛下。行啓於東京

女子高等師範學校。見閱生徒學藝。孫兒太美子十一歲奏音樂正直八歲。荷御前對話之榮焉。喜而賦。

太后親臨閱女黌。兒孫何幸被恩榮。御前應對須長記。俟汝立身揚盛名。

丙子十一月八日。開財團法人六踏園創立十周

年記念式。於調布農場。賦賀。濟世救人勞厥躬。育英事業亦成功。慇懃示得青衿範。自有誠心報聖衷。

同日行少年保護六踏園新館竣成式。賦長律一章作賀。  
夙志創成六踏園。經過十歲苦心存。浮華世態宜興慨。  
矯激人情耐斷魂。感化幡高翻巷野。破邪鼓大徹乾坤。  
財團制就極隆盛。指導更期酬國恩。

丙子歲晚

閱來周歲幾悲歡。真覺人生行路難。此夕從頭忘往事。  
豁然胸宇靜中寬。

宸題田家雪

瑞雪晴來初旭紅。點松粧竹白玲瓏。農家先卜豐年兆。

春在瓊田瑤圃中。

山村無復凍飢人。豐兆欣看瑞雪新。田舍風景入宸藻。  
須知叡慮在斯民。

賀農學博士恒藤規隆君八十壽

句頭分用其姓名字

恒跋南溟諸嶋邊。藤翁開發獨為先。規繩矩墨何離道。  
隆寵加身八十年。

送津田君入營

臣節何嘆行役長。心如鐵石誓堅剛。忍聞東海波濤急。  
須掃妖雲耀國光。

和溪堂坂本將軍。丁丑新年瑤韻

應龍言州  
曾樹偉動攘虜塵。高齡夢穩杖朝身。已收人爵兼天爵。  
榮顯剛知德有隣。

丁丑一月二日。孫兒正直九歲。爲新年試筆。書春  
在一枝中。五大字。選見揭校壁。欣然有作。

臘雪消無跡。簷梅信已通。孫兒先試筆。春在一枝中。

西子墓碑銘

西刀自諱西子。春日祠官從三位大中臣師應之四女。  
以嘉永三年七月二十一日。生於奈良。年甫十七。召入  
禁中。以命婦仕。明治天皇照憲皇太后。恪勤實四十  
八年。貫以一誠。大正天皇卽位行大嘗會。爲陪膳采女。

能全其任。進權掌侍。叙正五位。退隱養老於大久保邸。  
昭和十二年二月二日。溘焉而卒。享年八十有八。葬於  
青山塋域。銘曰。

夙仕宮庭。恪勤康寧。自奉家祖訓。德有餘馨。

姪男正五位橫井太郎撰並書

丁丑三月十八日。列於天理教東本大教會昇格  
奉告祭。恭賦呈中川大教會長。

昇格儀隆妣德揚。幽玄神事見禎祥。教徒十萬齊歡喜。  
天理憧高仰寵光。

丁丑三月初二。蓬萊園卽感

東都名園不日將失其觀

應音詩  
名園易主奈傷情。日涉無人蔓草生。一望林泉春寂莫。  
松風空作不平鳴。

題楠化石

多賀君所贈

老楠化石自崢嶸。有客貽吾發史情。其質堅貞色蒼黝。  
摩挲日夕慕忠誠。

丁丑三月十七日。第二孫男誕焉。喜而賦

名正命

忽得弄璋含笑迎。乃翁風貌自天成。呱呱驚耳何雄勁。  
號令軍中則此聲。

賀瓜生大將八秩

韓海曾殲醜虜船。運籌帷幄善摧堅。當年宿將今誰在。

嬰鑠欽公獨健全。

賀諸野義弘君就任

處世攸期只至誠。多年研鑽待春榮。說言陽氣透金石。  
一到精神是大成。

寄詫摩武彥翁

契深攻玉舊同門。經世雄圖志自存。况又寧馨皆卓絕。  
詫翁教訓有淵源。

賀西尾雄次郎將軍古稀

曾掣鯨鯢揚國光。一竿身老水雲鄉。遐齡况得古稀壽。  
更祝渾家福社長。



寄古鼎荒賀翁

報國丹心百鍊堅。臺藩久戍世推賢。如今雖抱病身老。豪氣猶能似昔年。

鎌府池田弘兄。見贈自漁鮮鯛。賦此道謝。

佳惠謝君情最饒。引杯好欲慰無聊。開包潑刺紅鱗動。想見湘洋波上跳。

丁丑六月念五日。與有終會員諸君搭軍艦嚴嶋。

至橫須賀。偶成。

積水蒼茫曉色開。潮氣吹髮氣雄哉。却思鎮國當年戍。宿艸離々七砲臺。

湘洲灣上

吟身只合伴沙鷗。潮氣涼生六月秋。堪喜此遊真壯絕。長鯤跋浪入湘州。

橫須賀軍港

岬頭對峙水縈彎。港勢居然控大灣。炯眼有人創鎮戍。國威儼見海東關。

觀音岬

佛峽臺邊浪作堆。踞巖砲壘兀崔嵬。即今荐有風魚警。不許侵關虜艦來。

觀海軍砲術水雷二校

海國皇軍氣吐虹。龍驤虎踞勢容雄。遍觀二校技優秀。定識武勳輝日東。

楠浦所感

余嘗住此地

夢中楠浦渺風煙。脫却戎衣已卅年。只有洞門存舊態。任佗塵事幾推遷。

訪木佐木將軍於鎌倉淨明莊

名幸輔鹿兒島人海軍中將

鎌府占來安樂窩。水光山色足吟哦。相逢暫作忘機客。棋響松聲趣更多。

訪白川松澤詞兄於冬青菴不在  
幽棲日夕弄清漪。主是風流杜牧之。瓢杖及門君不在。

冬青菴外立多時。

支那事變雜詠

與爆彈六勇士

奮鬪爭先衝敵壘。肉飛骨碎奉公死。武夫赳々古來然。爆彈還看六勇士。

居庸關

仰見皇軍儼壯容。長驅直欲碎胡鋒。桓桓勇士脚如鐵。踏破邊關雲萬重。

南京

皇軍破竹陷南京。勢似岳家誰克爭。蔣豎退嬰戈未棄。

遂將抗日誤蒼生。

重慶

爆彈摧營揚凱歌。全支敗色蔽山河。死中得活唯防共。奈此蔣爺前路何。

丁丑十一月初六日獨伊三國防共議定書成焉。

喜而賦。

蘇聯思想奈欺謾。赤化宣言須指彈。昨夜新傳防共詔。坤輿復見萬邦安。

交送市川大尉是清君。任第三艦隊司令部附之申。

江。

陣中殺氣逼人寒。提劍偏期禹域安。曾踏山河復何狀。

可無一熨鎮狂瀾。

詩林創刊二十周年。次溪水伯韵賦此作賀。併呈

撲堂詞兄乞政。

卓立吟壇世仰名。詩林錦繡古妍爭。紹承前緒資風教。

木鐸廿年毫一莖。

其二

鑄韓鎔柳領詩名。采緝偏因筆力爭。堂構期君博家譽。

蓄翁衣鉢有遺莖。

追悼瓜生大將

曾遇邦家興廢秋。天教名將護神州。偉勳奏得仁川戰。大命懸存此一籌。

神苑春回瑞氣稠。崇祠雪霽旭光浮。瞳々仰見冲天勢。遍照支那四百州。

禁中奉仕節尤堅。賴有家媛紹後傳。泣弔芳魂今若昨。仙遊一去已周年。

著書益世惠非輕。更遂優游邱壑情。不似陶々阮宣醉。

竹方兄負孔方兄。

輓簡野虛舟先生

耆宿凋零訃悼神。坵壇不見董帷春。誰知一束奠芻者。曾是高門問字人。

遊哲學堂

堂有杉並江古田。其地與壇以梅有名。甬水井上圓了博士所創建。

占來風致據高岡。遮斷紅塵是此鄉。深感優遊先哲蹟。梅花永護學堂春。

貝塚兄。爲余造半身塑像。見贈賦此道謝。

詩書猶守舊青氈。晚信神明是夙緣。塑像雕成荷嘉貺。功名何羨畫凌烟。

眼前危坐白頭新。風骨稜稜似有真。汝不識吾吾識汝。笑題守拙一閒人。

成寅四月十五日。亦樂村莊招飲。次須水輓齊韵。眼前邱壑一何奇。狷介終生不可移。白首對花應慨世。畫樓翫月豈忘時。題箋多發天真趣。拈韵均看渾雅詞。愧我才鋒非敵手。敢陪高會舉吟卮。一夢茫茫五十年。世情紛雜易妨眠。曾希賢聖蹤無俗。已脫塵埃骨欲仙。槿域合邦為主唱。毛山招隱了前緣。盍簪此日村莊宴。繼得風騷長可傳。

其二次韵

此日青厓先生名開曰群芳

風懷看我鬢如霜。豈與桃櫻競艷芳。偉矣輓齊經始志。青翁題字照林莊。

其三次韵

掃蕩殘胡指顧中。功成何日罷兵戎。徐州殲滅機方熟。宇內和平始海東。

遊毛途上

天上去來迷暗雲。蕭條冷雨徹霄聞。明朝芳約難拋得。偏怯櫻花損幾分。

全

觀賞年年事屬陳。綺羅堪厭滿城塵。毛山別有櫻花潔。

亦樂莊中遠訪春。

全

近碧遠青交整容。群巒看盡幾重重。當樓潑眼孰尤秀。終古雙尖是筑峰。

戊寅四月二十日。訪宮川國手正雄君愛水石多藏

守內之。賦贈

宮翁醉石儘風流。寄傲豈須千里遊。咫尺自存邱壑勝。夢中使我入滄洲。

戊寅四月念八日。訪堀內信水將軍。君性愛蟾蜍。

風對菟集有年。賦贈。

纔入門庭絕俗氛。金蟾窟裡吐風雲。快談傾臆真難得。六十年來獨有君。

悼朽木浩君。君與吾孫正直同庚同學。常相親好。一朝逢奇禍。真可悼也。

慈親撫育十星霜。更待家門放彩光。何事一朝梢樹折。使他簇葉感枯傷。

戊寅海軍紀念日。開軍艦笠置懷古會於二州柳光亭。余亦列席。賦長律一章。

地是勝區人是賢。今宵共醉柳光筵。曾揮冰劍封胡港。更叱鯨濤殲虜船。分手韓山千里月。回頭筑海萬重烟。

相逢方有滄桑感。永憶武功蹤欲傳。

全六月十二日。故簡野先生閒雲莊招飲。觀燕子  
花有感

濃紫淡紅含雨顰。砌陰幽草淨無塵。莊中風物宛如舊。  
燕子花開待故人。

戊寅六月十九日。辻輝子女史。催獨唱會于昆谷  
會堂。賦此以賀

繡幕忽開紅燭明。歌壇夙博淑媛名。遏雲妙曲誰能及。  
唱出新腔珠一聲。

笠岡翁見贈裙帶菜一束。賦此道謝。

調膾和羹風味柔。聞言佳藻產雲州。山厨獲贈枯腸潤。  
醉後一詩千里酬。

戊寅七月念九。訪村松春水翁。賦呈

幾局手談忘世機。論書牽興避炎威。知君臨紙如奔馬。  
驀地千言筆欲飛。

五瀨命次德川綱陵伯韻

金枝誤被中蕃弓。遺恨號天大業空。負日征兇囑皇弟。  
竈山坯土帝基崇。

次松田學鷗詞宗被寄韻。却寄

記得同窓笑拍肩。垂髫分袖思凄然。老來殊惹江頭感。

僕指參商六十年。

太原韵寄懷應龍橫井雅臺松田學鷗

攻玉社中同竝肩。講經論史氣昂然。于今風貌不忘

得。往事回思六十年。

賀有終發刊二十五周年

吐出篇々萬丈虹。文章報國致誠衷。忠魂義膽足追慕。

竹帛千秋名有終。

頌兒玉藤園大將

兒玉神社賦詠

颯爽英姿秉節旄。縱橫韜略世推豪。秋風繪嶼招魂處。

愈仰藤園神德高。

壽奎堂清浦伯

嬰鑠猶看清白風。榮譽顯達帝恩隆。邦國要樹大壽策。耆宿如今推此翁。

讀戊寅十月念七日公報。

連捷報傳天一方。膺懲聖戰我威揚。廣東殲滅鄂州潰。巨筆誰能耀國光。

送春水先生之洛。二首

欣羨西遊秋正深。袂衣恰好杖頭吟。參差京洛楓千樹。堪慰春翁物外心。  
傲嘯紫嵐蒼樹間。秋風探遍幾江山。先生文雅應期待。



珠玉奚囊盛得還。

戊寅十一月初四。寄青厓先生。

崢嶸天險奈難攀。欲試飛笳笑我頑。一語寄君須領取。  
青厓壁立屹如山。

春水翁自京洛還賦呈

君似當年嚴子陵。一竿風月隱蹤矜。羊裘竹杖無他物。  
自署頭銜行脚僧。

御題朝陽映鳴恭賦

妖氛一掃濟殊方。恩露遍霑新戰場。天佑國光誰不仰。  
蓬萊涵影映朝陽。

和風喧日照殊方。春色熙々日出鄉。展出眼前宸題象。  
蓬萊古嶋映朝陽。

次寺岡鏡谷翁見贈韵却贈

一局輸贏百事忘。燈前相對座詩堂。寄言早々須來訪。  
棋興長於冬夜長。

已卯一月十四日初雪寄古鼎翁。翁舊臘築莊於

指谷爽塏處而移居焉

宛似鷺毛空際飛。天風捲雪亂霏霏。想君古鼎莊前景。  
如此奇觀近歲稀。

悼堀內信水將軍孺人

斷絃琴瑟奈無常。老淚潛然哭孟光。定想傷心望天外。  
孤鴻一叫夜雲長。

千水櫻

停杖幾回千水涯。飽看朝靄暮嵐奇。漫題或被花神笑。  
緘口未嘗哦一詩。

賀德富蘇峰翁喜壽

筆頭有口議滔滔。修史千篇不厭勞。裊裊春雲添壽色。  
蘇山面目一層高。

悼木村海軍々醫中將壯介翁

平生慈眼對吾青。忽隔幽明淚自零。別有功勳不堙滅。

海軍醫政萬春馨

賀隱岐其甥國手七秩

壽福由來非偶然。濟生餘慶證因緣。烟霞沁骨揮雄筆。  
丘壑撐胸吐妙篇。肘後奇方推抱朴。尊前才藻比樊川。  
悠悠世計真堪仰。醉月吟花七十年。

觀青厓春水兩翁圍碁。有作

堪欽豪放二家風。日夕清娛在橘中。奇想傍觀我無策。  
默然徒作爛柯翁。

輓海軍軍醫大佐鈴木次郎君

遣英救護駕張騫。濟濟之中最號賢。白玉樓頭招聘急。

才人回首即神仙。

讀京華襍詩寄吐峰先生

海棠含露寂嬋娟。絕世風姿洛水仙。一夜驂鸞蹤已杳。

玲瓏冰骨竟雲烟。

已卯中秋後一日末吉樓觀月宴無月

明月中秋不可期。何關今夜暗風吹。姮娥似耻騷人看。

特地雲衣掩玉肌。

悼陸軍中尉橫出清君

奮鬪麾兵劍有聲。裏創不屈迫堅城。防庄郊外死何烈。

敬仰金鷄忠勇名。

已卯臘月次韵呈山本寸艸老兄

兄八十歲業篆刻  
鑿鏤凌壯者

擾擾塵寰又一年。醉生夢死豈云錢。箇中別有風流在。

鐵筆吾推寸艸賢。

宸題迎年祈世

乾坤又是一回旋。尙見西鄰迸礮烟。鼎鼐偏祈全變理。

且迎聖戰第三年。

題廣瀨大佐著郡司大尉後

千里輕舸跋北溟。壯圖一蹶奈丁零。欽君拓出燃犀筆。

大尉偉勳傳後馨。

庚辰一月十二日次韵贈下田春水翁

忽爾相逢忽爾分。終年萍迹泛如雲。高蹤我慕狂春叟。  
於世無求會不群。

庚辰一月十九日余罹中風血壓亢進。豫感不能  
起。率賦告別吟。留別知己諸賢。

病入膏肓神未衰。樂夫天命復奚疑。却嗤明月清風外。  
不請巫陽不請醫。

庚辰二月念二枕上吟

奈此人間無限愁。月餘抱病獨呻吟。西隣戰伐將全勝。  
北境紛紜猶未休。千里拓疆須遠慮。百年長策要深謀。  
枕頭看劍嘆髀肉。可使壯圖歸水漚。

庚辰二月十六日舉第三女孫喜而賦

華門也覺浴春和。衰老舉孫娛最多。何當幼穉鬢園裡。  
得聞汝唱旭旗歌。

偶吟

余臥病連旬。週孫在側。曰乃翁病。盡轉共伴乞觀。花爲之憮然。

抱病經旬慵出家。春寒如水澆窓紗。何當又被遲孫誘。  
去看南郊北塢花。

三月初七雨窓卽事

春翁見贈池塘芳艸夢堪結句

攀柳折花寧有緣。焚香聽雨獨閑眠。夢魂不到綺羅巷。  
唯繞池塘芳艸邊。

三月十七日寄東塢矢野兄

君擁藥爐吾抱病。朝雲暮樹引愁多。唯憑文墨情共慰。  
奈此春寒料峭何。

三月十九日梧堂青山詞兄來問余病。見贈春蘭  
一盞。率賦道謝。

蕙蘭郁々愜詩心。臥看花容趣更深。標格春風推第一。  
清香滿室促吾吟。

題春水翁畫山水圖

筆致蕭閒不染塵。一亭一木見風神。喜君墨戲多仙氣。  
寫得高人孚九真。

次鏡谷翁詩韵却贈

倒屣喜迎風雅人。閒談半日座無塵。誦君惜玉憐香句。  
柳北先生有後身。

次東塢兄見寄詩韵却寄

靜臥蕭齋無限情。多年交誼弟將兄。何時共剪西窓燭。  
清興同飛碁子聲。

送村松春水翁之關西

昨日送春今送君。百愁來往奈紛紛。山河形勝重回首。  
待見雄篇勢捲雲。

贈春水翁在洛

不得相携吟賞同。誦來高作感何窮。溪山一入春翁筆。

肉躍神飛氣更雄。

庚辰海軍記念日有作

英名不啻動扶桑。五大洲中耀國光。濟々薩南諸將帥。西鄉去後有東鄉。

悼法輪寺津田日明准上人

本是扶宗老俊英。東西飛錫度群生。南無妙法聲何大。遺響長兼佛日明。

賀溪水金子伯爵米壽

一貫誠忠持節堅。果知天眷永無愆。憑公欲學長生訣。敬頌今朝米字年。

賀中尾岱山翁八秩

何關蓬萊採藥船。壽躋八秩節逾堅。闔門福祉真堪慶。嬰鑠人間意氣全。

庚辰七月盡日不忍池觀蓮

曉天曳杖步池塘。脉々清風度水涼。我愛濂溪周子意。紅蓮焯灼滿身香。

荷葉風香拂面吹。生池院畔看尤宜。藕花翠蓋凌波出。方是朝暉欲上時。

悼海軍大將山屋他人君

明治三十八年日本海海戰。閣下以笠置艦長。

有殊功。又以艦隊司令長官。參日獨之役。席捲南  
洋。夙唱南進論。縱橫機略。卓犖襟懷。是余等所敬  
式。仰也。今日海軍葬足。見榮褒盛。謹賦一詩以奠。  
韜略元知妙入神。山家戰術絕群倫。偉勳奏得南溟捷。  
長記皇軍柱石人。

讀春水先生著憐香餘韻。水部非愛。意  
黑艦破濤。侵守陲。柳營日夕羽書馳。有司唯講彌縫策。  
枉賺佳人嫁墨夷。

陸軍中尉橫出清君。戰死叙勳。一詩頌之。  
貔虎桓桓閃劍光。挺身鏖戰報吾皇。金鷄挂得家門燦。

一死長留名姓香。

賀鈴木軍醫中將孝之助君壽。

君今年八十六齡未用眼鏡  
經營病院於鎌倉能讀書

回生起死妙如神。餘技雲煙藉養真。何怪洋洋多德澤。  
巍然卓立是伊人。

喜壽自喜

七秩躋來又添七。皇恩祖澤喜雙全。琴棋好伴閑猿鶴。  
贏得漫吟詩一篇。

### 赤城小稿

自題赤城小稿

偶遇邦家危急時。欲修靈驗遂心期。任他世上漫嘲笑。

男子須成天下奇。

昭和丁卯十一月念五。始登赤城山。

一笑跨鞍躋碧嵩。飄々身在白雲中。當年烈士運軍策。關左依然嶽勢雄。

其二

失脚雄圖夢一空。征人回首弔秋風。赤城峰下揚鞭去。夕照馬嘶多落楓。

宿赤城山中水野家

蕭條夜色帶奇淒。洞窟跡荒雲氣迷。心血半生歸一夢。月寒深樹老梟啼。

乙亥歲晚

要見光明天一方。每逢歲晚感殊長。十年澆盡渾身血。遮莫俗流呼做狂。

丙子一月十七日。車中望赤城山。

赤城山聳白雲巔。刀水溶々映紫烟。堪慨雄圖空一蹶。慘風苦雨幾年年。

赤城山即事

擬以誠心救厄窮。快車還入上毛中。誰知偉傑蟄山澤。赤嶽千尋鎮海東。

又



閱歷紛々蹟最奇。消磨歲月幾嗟咨。當年紆策向誰問。只有青山猿鶴知。

又

發掘方石重四十貫背刻「一」字

維石巖々探者誰。剝苔一字見餘師。闡幽人抱古今感。寂寞山河暮色悲。

又

嶺復溪重路陂陀。蕭條落木夕陽多。神劔鼇甲寂靈秘。仰向彼蒼呼奈何。

又

烈士雄圖託赤城。碩儒讖語鬼神驚。撼搖一世應非遠。

水氏相承先見明

記夢

夢棹滄溟釣大鼈。古人嘗此按戎韜。碩儒讖語力難解。烈士雄圖眼更高。雪霽城山容巋々。浪奔刀水勢滔々。我非辛苦窮斯境。爭得滿身神氣豪。

觀青砥藤綱撈錢圖有感

滑川松火照漪漣。家國貨財何忍捐。請見清廉青砥子。苦辛搜索十文錢。

丙子十月念四日登山即事

經國文章抽巨毫。善謀明達幕中豪。秋深紅葉上毛路。

追憶鶴梁風格高。

洞中作業

天風吹我上崔嵬。隧道當前雲氣開。巨鍾下邊深窅響。宛然忽作地中雷。

敷鳴驛所感

毛山孤驛轉荒涼。秋色蒼茫上旅裳。心血十年澆得在。應令敷鳴化名鄉。

丁丑四月十四日又上赤城山

幾冒赤城雲霧深。何曾玩景試登臨。胸中秘略人無測。唯有山靈識此心。

次橫井詞契赤城山瑤韻

千里尋幽擬躡嵩。刀川帆影落眸中。吟鞍一路推敲處。人欲西兮馬欲東。

又

群峰競秀碧摩空。虎踞龍騰勢亦雄。一鑑涵天天在水。孤雲吹落大湖風。

又

翠崖懸瀑響淒々。深樹雲生路欲迷。宿寺殘宵欵客枕。空山月白老猿啼。

次應龍詞宗赤城山芳韻

町

應龍詩  
長嘯振衣立絕嶺。俯看脚底湧雲烟。縱橫策土今安在。  
遺恨永懷庚午年。

又  
何用區區嘆數奇。一生成敗蓋棺知。人間七仆八興諺。  
玩味真成不我欺。

又  
據嶮欲收關以東。壯圖一蹶恨何窮。登臨今日經其地。  
使客長懷希世雄。

又  
赤心人賦赤城奇。熟血凝成金玉詩。炬眼燃犀發神秘。

欲憂家國築鴻基。

此集妙在解不解之間。予詩亦然矣。不許尋常俗  
詩人容啄也。

已卯六月初日。七十九叟春水初艸。

### 水龍唱和

此集自昭和戊寅六月至全巳卯七月。余與村松春  
水先生。一年間唱和之作也。先生始見訪余于望野  
樓。一見如舊。爾來問訪有年。或圍碁。或賦詩。品畫評  
書。概無虛日。握月擔風。得益頗多矣。只恨相逢之十

歲遲也。先生霜灣人。風骨珊瑚。齡躋八秩而嬰鑠凌  
壯。嘗從事刀圭。羊裘竹杖。歷游四方。詩筆靈活著憐  
香餘韻。工於詩妙於畫。然深自韜晦焉。闕下之揮毫。  
蓋爲先生終生之榮云。古人謂君子之交淡如水。余  
於先生亦有然云。

昭和己卯八月於望野樓。應龍生識。

戊寅七月初四寄應龍詞長。村松春水。

屐痕無復印蒼苔。寂寞小扉扃不開。一片閑愁何處寄。

獨敲棋子待君來。

次春水先生見寄詩韵却寄。橫井應龍。

雨窓翰墨映蒼苔。忽地雲箋到手開。隣巷風流青眼叟。  
橋中仙趣領真來。

戊寅夏日寄春水先生。應龍。

只恨相逢十歲遲。忽傾肝膽復奚疑。不談經國三分策。  
笑試銷間一局碁。

次應龍翁韵。春水。

千言筆下不遲遲。喚做應龍誰又疑。可惜先生爲獨眼。  
神通難用是圍碁。

戲寄春水應龍二棋仙。國分青厓。

巧拙無關速與遲。淮陰百勝我何疑。應龍自擬臥龍策。

未許三分漫托棊。

其二

獨眼英雄史記名。遙懷對座日談兵。戰場豈有盲龍活。誰與將軍一點睛。

贈應龍翁

春水

力盡將軍欲倒戈。劫殘盤絕發悲歌。點睛奇術施難得。奈此應龍獨眼何。

戊寅七月念九日。次春水翁韻

應龍

日落烏江終倒戈。悲笳四面那堪歌。霸圖一跌且休說。雖不逝兮如我何。

其二

應龍

威風難嚮忽投戈。遂使漢高揚凱歌。嘆我雄材人不識。淮陰知已有蕭何。

戊寅七月盡遊戲三昧會即事。次春水翁韻

應龍

咫尺東臺綠一堆。雅游三昧得追陪。天妃祠接將軍廟。隔樹湖光入座來。

次韻

春水

雲烟揮灑滿堂堆。况有散花天女陪。遊戲文章三昧會。好參當代活如來。

墨氣氤氳滿壁堆。梅川亭上喜相陪。東台樹色西湖月。

應龍

存得再游餘地來。三昧會闌佳什堆。群賢畢至勝筵陪。仙娥相對揮彤管。

激灑漪心蘸影來。旅窓漫吟七首。春

胸中奇計向誰陳。白首尙爲萍絮身。西楚霸王今在否。

茫增徒爾老征塵。戊寅十一月十九日次韵

應龍

欲和一詩詞已陳。餘生同喜隱淪身。忠懷尙抱憂時淚。何日西隣掃戰塵。

其二 家貧尙足免飢寒。行往任心聊自歡。三十六峰秋正好。

一腔詩思入平安。遠遊不用說孤寒。詩國有朋多逸歡。芳艸池塘夢堪結。

也無名利到椀安。離愁未散怯天寒。忽接雲箋意便歡。千里君行探勝遍。

外封先已見平安。結用青邱成句

應龍詩

其三 春 水

恰似知章醉後騎。電車劇動幾回欵。京娘習性吾驚嘆。撞突他人恬不知。

次韻 應龍

電車搖似季真騎。兀座娥眉翠髻欵。只見衆中憨態甚。京娘習性有誰知。

其四 春 水

鞍馬八流三略書。兵家秘訣史傳餘。遮那王去雲容壯。僧正谷荒杉樹疎。

次韻自述 應龍

淡泊生涯一架書。辛勤求道在三餘。老來別拓閒天地。却笑斯身處世疎。

其五 春 水

洛中引杖漫徘徊。到處題吟剝石苔。賴有夜來風雪急。悉埋無數惡詩來。

次韻 應龍

水明山紫好徘徊。京洛風光屐印苔。春叟新詩咳作玉。千年勝地吐奇來。

其六 春 水

欄角呼杯澆渴腸。可無雋句報風光。歸帆片片斜陽白。

應龍詩

樓影長於橋影長。河無清似許風光。龍吟白

次韻 應龍

不用芳醇潤爛腸。病來文墨欲無光。此身恐老風塵巷。  
書劍秋深萬恨長。

其七 攝海舟中 春水

老殘笑我未思還。載筆浪遊詩酒間。埋骨不知何處好。  
青螺一隊讚阿山。  
少壯辭家老未還。放狂詩酒卅年間。先瑩不識今誰展。  
植杖愁看孝子山。

次韻 應龍

不啻奚襄裏玉還。闡幽探古讚阿間。雲烟筆發浩然氣。  
謝客吟肩聳似山。

戊寅十一月念九歸京贈龍兄。時石楠老人感胃在尊

春水

早覺霜威透客衣。奚襄寂寞賦東歸。翠雲在蔚青厓亦。  
獨有應龍自在飛。

次韻 應龍

高岡千仞立振衣。家國前途何所歸。回首沙場仍力戰。  
九州頻有夢魂飛。

問春水翁病 翁賦長律見贈于余病中 應龍



驚君重患益英風。大作吟成臥蓐中。贏得哀然詩橐富。誰言二豎厄斯翁。

次韵

病後唯嫌穿隙風。莫愁兀坐在床中。卻欣臆尾多閑事。禍福由來付塞翁。

已卯一月中旬。初雪寄春水翁。

滿城渾是白皚々。盡日柴門掩未開。定識行途應阻雪。約期棊伴也無來。

次韵

朝來雪霽

春

水

旭光紅映雪皚々。奇絕光景晴色開。滿腹詩思共誰說。

欄頭翹望待君來。

初雪寄龍翁

春

水

欄頭賞雪立多時。無限吟情說向誰。想得風流謝家集。絮塩才藻賦新詩。内子能和歌故云

慰應龍

國

分

雲氣從龍自古聞。龍之所住必看雲。五雲眩目何須忌。五采靈光天地文。

次韵呈青厓先生

應

龍

溫言在耳廣吾聞。一賭乾坤氣捲雲。敗局猶欣作詩料。贏來五采色絲文。

贈水龍兩翁

青 厓

漢壽亭侯髯似銀。鴨沂水瘦欲無春。龍衰不見飛騰氣。尺蠖一般徒屈伸。

次韵呈青厓先生

應 龍

太白山人髯似銀。贈詩情意暖於春。請看對峙爭衡日。尺蠖應知忽一伸。

次青厓翁韵

昨夜大雪今朝快晴句中云焉

春 水

皚々昨夜雪如銀。暄暖今朝忽破春。天數如同擲棋法。有時蠖屈有時伸。

贈青厓翁

春 水

張飛武烈岳飛雄。向處無前草伏風。萬仞青厓何足恃。

滔々春水欲吞空。

次春水翁韵

青 厓

鼎峙正爭三國雄。盲龍無力克乘風。溶々春水冬來瘦。萬丈青厓屹半空。

詩壇之佳話。棋界之好事。復以足千秋矣。

春 水 漫 評

次韵贈青厓春水兩翁

應 龍

目眩脚酸何競雄。只期他日捲天風。應龍睡在深淵底。一覺飛騰躍半空。

贈龍翁

春水

每戰鋒摧奈拙謀。蛟龍蟄伏哭啾々。狂言五彩雲瞽目。欲試飛騰不自由。

次韵贈水翁

應水龍

下子膏騰遮智謀。况憐妻病意悲啾。對枰叉手默無語。高隱無才擬許由。

已卯五月中七同龍兄訪青厓翁於石南莊。

春水

高棋者對局。呻吟多時。或至費數日。拙手如吾徒。下手如急覈。頃刻爲幾輸贏。此日亦忽算十局。歸途得

一絕。錄供他日之笑柄。

石楠花下訪東坡。半日十棋清興多。卻笑神僊少娛樂。未終一局爛其柯。

其二

紛々世態奈浮華。去訪幽鄉山谷家。坐覺老躬生意氣。鐵腸人對石楠花。

次韵

應龍

紅塵不到避繁華。來訪青厓居士家。博得詩名天下遍。靈光映發石楠花。

五月十九日訪望野莊席上卽作索和

春水

今日竹筇敲望野。草鞋咋到石楠莊。圍碁讀畫兼探韻。談笑閑人事業忙。

次韻

應龍

鬢々垂白狂春水。蟬脫浮遊學老莊。松下圍碁少虛日。料知猿鶴笑君忙。

已卯五月念四率作索和

春水

榮易招譏富損名。憐他世上漫營々。曲肱爐畔閑無事。恍聽松風茶鼎鳴。

次韻

應龍

老來豈敢願功名。日夕江湖何所營。坐隱居中忘寵辱。曠懷無復不平鳴。

已卯七月初一贈龍翁

春水

托他何事策彌縫。盍躍天淵挫敵鋒。喘喘咨且小丘下。可憐萎悴老應龍。

次韻

應龍

天衣畢竟素無縫。橘裡乾坤暫斂鋒。對局妙機隨手見。重來捲土勢如龍。

郊行偶吟索和

春水

草茸長堤老牛歸。水滿平田乳燕飛。好個村厨堪按酒。

黃瓜寸々雨餘肥。

次韻

應

龍

半日吟筇探勝歸。箇中幽興夢魂飛。最欣新綠可人候。

黃玉滿枝梅子肥。

已卯六月盡訪應龍翁席上次見眎韻

春

水

纖雨浥塵涼味存。適肌氣節近中元。一片幽情寄何處。

又到先生五柳門。

已卯七月初六寄春水翁

應

龍

訂交回首已周年。比擬微之與樂天。唱和只應了餘命。

唉吾養拙愛雲煙。

自題水龍唱和後

應

龍

生

水翁高躅世稀存。交友誰能似白元。相遇常談風月事。  
吟箋來往二家門。



猶應龍張翼振勢追隨風雲陸降天地不可得而端倪  
 因想其於事業亦知機而應時不可一定可謂不負為  
 奇士之名也君曩罹篤疾數月今則回春矍鑠倍舊所  
 謂馬將軍老益壯者矣是特可賀也君此著之外有快  
 彈餘響艦中笑府余憾未一寓目及覽此集聊理前言  
 以為跋云  
 昭和庚辰八月中澣文莊石川兼六識  
 不慙之節於御對父於千田園自乘涼而世傳詩於  
 式人對共昔應龍奇士出五口人天資高舉中官節平  
 應龍詩草

應龍詩草の後に

年々に言の葉草のしけり来て  
 句ひこぼるゝ花ぞ咲きける  
 よろこひのよはひかさねて  
 喜の代々になかるゝ水莖のあと

みつ子

原  
音  
言  
少

昭和十五年十二月十五日印刷  
昭和十五年五月二十日發行

【非賣品】

著者 東京市小石川區駕籠町四六番地 横井太郎

發行人 東京市荒川區日暮里町二ノ六一 須渕治

印刷所 東京市荒川區日暮里町二ノ六一番地 誠社

電話根岸 三三九番  
振替東京 一九七二六番



